

續修廬州府志卷五十四

花翎道銜江南安徽廬州府知府清泉黃 雲總修

義行傳 三

張龍如字雲生無為人歲饑捐米活人甚衆順治初兵
憲羅志儒涖州安撫以龍如通家子延之入坐適有妄
以警報者惑衆應斬龍如知其無罪片言救之其人踵
門謝拒不納直指衛貞元按州詢郡中賢士羣舉龍如
以對給匾額旌之辭不受 州志

丁時捷字允聯無為人庠生順治九年大旱捐米五百

斛賑粥 州志

沙裔昌無為人監生慷慨樂施貧者多待以舉火順治

續修廬州府志

卷五十四

義行傳三

一

辛卯歲犬饑捐米至一千七百石輸之官倉在城耆老

逐畮散給 康熙志

張勝宇無為人常拾遺金踰年還其人瘞露骸助族人

婚喪賑飢造橋善行不一年九十有四 康熙志

沙可績 通志作可績 字象心無為人裔昌子好施與由附貢

授知縣康熙中歲大荒捐穀賑飢設立義塚五處 州志

伍正都無為人康熙己亥歲荒捐穀賑飢州守李廷煥

舉賓飲辭不就子大忠雍正丙午亦捐米百石以賑親

董其役次年復歉捐賑亦如之鄉里咸戴其義 州志

宋學悟字穎伯無為人早失怙恃泣慕不已終身茹素

家故貧嘗拾王某聘媳禮金若干兩某不復記憶及取

金不得疑爲冢婦所匿婦無由自明將就死學悟聞之
急呼某至悉還之一媳得以娶一媳得以生王氏至今
啣其德後家道稍豐置田一所以爲每歲濟貧施茶修
橋造渡之資餘則歲杪以周急者將終自言死期州志
魏應琦無爲人康熙壬午大水里多困乏應琦賣產糶
穀以給族黨戊子又賑粥有稱貸者無不多方周給之
亦未嘗責其必償焉州志

李民表無爲人父所授產多推以讓弟族貧不能婚者
民表助之以金其或假貸無償亦焚其券焉州志

黃甲元字繼農無爲人善岐黃術叩門者不問貧富悉
應之多不取值遇貧病者飯之且助以錢間策一驢走

數十里問人患難風雨無難色以先人未御羅綺終身
著大布衣及卒僅田數十畝遺命以腴者歸姪而分瘠

田與二子

州志

耿秉鉉字長玉無爲人好義樂善入膠庠四十餘年公
門無片紙歲祲自減家食以濟貧交晚年一意教子兩

列膠序一登賢書

州志

胡尚鼎無爲人性好義有族人天秩孤露無倚尚鼎撫
之爲之娶授以田屋州志

李捷字泳士號鬱山無爲人庠生七歲能詩補諸生遇
事敢爲先是州民遭里排兜斂之苦適廬江令李攝州
篆捷籲請倡行便民小單其費不足捷復鬻產佐之民

困獲甦州人至今食其福性嗜學至老不倦工古文詞
著有鬱山草堂集東遊草

州志

夏校字憲齋無爲人諸生時稱經師里有逼室女改適
者校爲鳴諸官女得歸其本夫

州志

孫天閑字冀良無爲人好施予於戚屬貧乏者多所保

全乾隆間兩舉鄉飲賓

州志

丁同春無爲人聘周氏女未婚乾隆六十年旱周女乞
食養姑自茹百草中毒死同春矢終身不娶性敦篤孝
友鄰有兄弟鬩牆者同春至片言立解又有完人婚姻
事卒年七十有一

州志

洪琨無爲人監生高陵令敬夫之祖也敦倫重義親族

續修廬州府志

卷五十四

義行傳三

三

貧不能婚葬者輒飲助之又有賑食施寒衣立義塚修
橋梁施藥焚券事子監生森號柳村性孝友樂善有父

風

州志

汪鼎號玉田無爲人監生性孝喜施捨貧不能娶者必
厚助之路遺枯骨傭工掩埋道光間大水以千金散給
飢民不足售田益之弟雋邑廩生疾焚香割股和藥餵
之子大淦邑庠生重然諾有父風

州志

蔣一鈞號繼禹無爲人監生負義氣勇於爲善道光二
十一年於上三溪築土垣一座官鎮關城等圩皆資其

利

州志

張揚字通易無爲人增貢生品端學粹喜施捨鄉里有

困乏者無不周濟之咸以慈善稱

州志

任良奎無爲人性誠篤家貧負販營生得值除日食外盡情施予貧不能殮者助以棺木郊行必攜鋤見暴骨則掩埋之北城外民房毀於賊瓦礫填塞溝道天雨行人苦之奎自備糗糧日事疏濬東城外橋圯倡首勸捐鳩工督修

州志

盧營字殿升無爲人八品職銜性端方遇公舉踊躍爭

先江垵圩堤尤著勤勞

州志

沙漣字漪遠無爲人邑庠生爲人正直不阿有猾吏子欲以其父僭祀鄉賢漣不可陷以重金漣執愈堅事遂

寢

州志

續修廬州府志

卷五十四

義行傳三

四

王勳字巫山無爲人例貢生性誠篤勇於爲善如濬城河修文廟辦賑務均慷慨從公不辭勞苦

州志

鄒澐字甘泉無爲人諸生壯歲客京師大學士英和聞其名使孫輩師事之精岐黃籍以濟世性廉介慎交游嚴取予居鄉十餘年無干以私者尤篤友恭館穀所入兄弟共之鄉黨取法焉

州志

李國梓無爲人貢生州建崇聖宮改造奎文閣皆慷慨倡捐身董其役乾隆甲申後郡中三遭水患皆輸粟助賑全活無算嘗遇賣女鬻婦者出資全之

州志

樂克文字古愚無爲人例貢生古樸重義氣年二十四失偶誓不再娶好施捨惠及族黨卒年八十一歲

州志

張觀國無爲人邑庠生八品銜好善樂施慷慨任事道光十一年埧潰督建尤竭力州人德之州志

汪通志湛恩無爲人附貢生好施捨每大水必出資力

救圩堤自備椿木募夫搶救有鬻妻者解囊救之無德

色州志

汪作壽無爲人孔目銜性慷慨樂施捨道光年間大水出資數百金搶救陳家閘及黃汰圩堤又有捨藥施茶

矜孤恤寡事州志

汪茂無爲人監生好義樂施每遇凶年捐粟以賑災民

督修埧務尤力州志

謝夔字迪齋無爲人布理問職家素豐性喜施捨道光

續修廬州府志

卷五十四

義行傳三

五

年間大水慷慨捐資搶救青山圩堤圩爲三埧外護圩存埧賴以全利及一州士民咸德之又有丁敏倫亦理問職喜施捨好善不倦道光十一年埧潰捐米濟荒活

人無算州志

王坦無爲人監生性慈善施棺木送寒衣掩埋枯骨樂善不倦鄉里稱之州志

季世壽無爲人歲歉同姪邦杰捐米以濟族鄰出貲築

小新圩堤置義塚州志

周啟豐無爲人監生性好施予道光年間水災賑穀二

百石又有完人夫婦及焚券事采訪冊

吳嘉祥號少禮無爲人布理問銜勤能公正道光辛卯

水賑米四百石戊申己酉垣潰修築獨任險工每潮漲
搶修江堤捐貲出力從無推諉親族中有貧不能婚嫁
者資助之又施棺送藥子振烈號進之監生六品銜咸
豐三年避居鄉村鄰不戒於火延燒數十家烈宅獨無
恙出其錢米分送被焚之家六年州城克復辦理民捐
修城隍廟瓦不敷用拆住房瓦以葺其事好善有父風

采訪
冊

陳世宜無爲人素行正直在運漕鎮路拾金一囊待其
人還之不受謝遺金者爲立石紀其事

采訪
冊

戴鴻儒號臥雲無爲人監生性豪俠道光間迭見大水
巢湖泛漲山水由裕溪出江大爲濡東害鴻儒倡議於

續修廬州府志

卷五十四

義行傳三

六

瀨蒲灘築堤建閘準提菴建垣以殺水勢臨江三十三
圩咸利賴之積勞成疾嘔血死又有倪其章監生性和
易道光間水災甚鉅疊鳩夫搶救臨江垣堤

采訪
冊

丁紹曾字省三無爲人附貢生性慈善精醫施方藥活
人以千百計卒年八十有二

采訪
冊

何文煥號朗齋無爲人縣丞性和易好善道光間水淹
歿甚衆煥撈枯骨掩埋之并有救離昏事

采訪
冊

許明璋字慎軒無爲人太學生少時失偶屢拒奔婦生
平以國課爲急謂此草莽之臣所以事君者也髮賊至
罵賊不屈賊繫之榜掠備至卒不屈

采訪
冊

夏學博無爲人監生秉性忠義膂力過人髮逆猖獗時

倡練義勇保衛一方大小數十戰殺賊無算提督鮑超
試其藤牌技欲置麾下以親老辭冊 采訪

劉銜無爲人監生輕財仗義督辦江隄四十餘年屢獲
議敘咸豐九年督鄉練於芮家墓殺粵逆數百人又同
治元年賊大至鄉練畏蕙獨以偏師禦賊十餘日鄉里

獲全冊 采訪

陳聲字天衢無爲人恩貢生孝廉方正咸豐四年賊竄
境義不屈披髮跣足佯狂怒罵督鄉團先後殺賊無算
又嘗保護江隄冊 采訪

于純古無爲人監生家素封施湯藥及寒衣棺木鄰有
窮者每給以粟不受則藉故往其家遺以金而去冊 采訪

續修廬州府志

卷五十四

義行傳三

七

于原琮無爲人從九品性慷慨慕魯仲連之爲人鄰里
有爭競事必爲排解藉以息訟者不勝計冊 采訪

周玉衡字璇齋無爲人監生居東鄉白馬洲咸豐間髮
逆沿江擄掠周倡辦團練賊不敢近又嘗擊賊於復凝
洲擒戮數人全洲十餘里俱獲安堵外籍聞而僑寓者
數萬家冊 采訪

謝揚善無爲人監生鄰有貧而賣婦者善贈以錢穀鄰
向無後現其婦已舉數子冊 采訪

許崇秀號海峯無爲人歲貢少斲弛好使酒髮賊至攜
家居深山中閉戶授徒饗殮不給藏舊畫一軸苦無售
處有友人許代售之云可獲千金詢其人則賊目也立

向其友索回卒不售軍興後創建學宮試院崇秀與舉人齊來沛同事有勞

采訪冊

丁守模無爲人監生慷慨負大志精拳棍技能敵百人咸豐間髮逆入境練團殺賊以千百計合境賴以安堵

姪武生鎰生擒悍賊數人又有張淮增生擒逆竄境督

鄉團禦於白碭嶺大敗之殺賊數百人賊遁去同治二

年三月髮賊由巢邑來犯集練堵禦鄉里獲安

采訪冊

李兆林無爲人歲貢生性嚴正髮逆竄據時薙髮如常

年七十餘無疾而逝

采訪冊

王淮湘無爲人監生性豪爽凡鄉里有益之事竭力爲

之咸豐間練團殺賊一方賴以保護

采訪冊

夏華庠生陳斌縣丞銜無爲人世居州西北鄉負氣敢爲合肥李部郎文安在籍練勇統帶鄉兵華斌因各練鄉團守望相助州城自咸豐三年陷後合境皆罹其害惟畏西北鄉七八年未入境十年擒匪至各督衆分禦隘口同治元年髮賊由巢窺州華斌復力禦之先後殺賊無算當是時兵燹旣久鄉間無賴聚衆夜入室掠人財物復掠其人以責財贖爲害更甚於賊華斌率衆誅逐之屢瀕於危良懦賴以安

采訪冊

林永桂字茂森無爲人布理問銜家素封樂施予多行隱德道光末水災甚鉅流民入城者恆露處星宿永桂夜間逐次贈以錢米匿其名又保全鬻妻賣子者甚衆

前後費以千金計采訪冊

吳名宏無爲人附貢生刑部主事元慶子也嫻文辭工書品端方老成練達選從九以親老不就州中水利學校事皆身董其役不辭勞瘁倡濬鳳凰頸河民尤利之

采訪冊

丁宅仁字壽菴無爲人例貢生嚴氣正性鄉人皆敬畏之倣范文正義莊例置田百餘畝贍貧族完里中婚姻二十餘家焚借券以千百計又獨修鳳凰橋行人利之采訪冊

劉森無爲人監生性剛正里中有疑難事成就質之尤樂成人美節孝婦女有貧不能舉火者濟以薪米並出

續修廬州府志

卷五十四

義行傳三

九

資建坊子大鵬慷慨有父風采訪冊

錢聯輝字淇泉無爲人庠生性謙讓心慈善家貧課讀得館穀輒食餓者凶歲偕妻倪氏采食藜藿囊中所蓄錢不足百文有飢民過持與之竟自忘其不舉火年五十無子後連生數子采訪冊

錢業玉無爲州南鄙人拾遺金坐待尋者三日不至擲置原處而去采訪冊

程禮謙字益軒無爲人貧而好施有故人宋某鬻其妻謙晨炊不給猶典質保全之教子有義方途遇賣兒者曉以大義其人感泣遂止采訪冊

倪盛謀字竹坡無爲人縣主簿性豪爽急公好義兵部

侍郎彭玉麟辦賊至皖盛謀幫辦餉務諳練軍情同治初賊竄州境倡練堵禦於寨子口又於沿江護渡難民全活無算復以兵法部署圩夫救熟民田數百頃掩埋枯骨三百餘塚於湖口迴峯磯並巢境各處

采訪冊

侯鈺無爲人性高逸兄弟俱宦游鈺獨不樂仕進工詩文并通奇門術數之學及勾股算法尤好義舉樂施捨乾嘉間監修繡溪書院正蒙書院養濟院飢荒則設粥廠出平糶施棺木掩枯骨以救之

采訪冊

侯鑄無爲人工詩文善書法任兩淮泰州鹽運分司急公好義培學校周困乏并捐資辦學宮祭器又捐銀買田永備鄉試卷燭又有潘國琢慈惠好施捨有修橋建

廟並捐粟賑飢事

采訪冊

程學任字蘭圃無爲人太學生篤於孝友踊躍從公粵匪至城陷賊燬前刊州志板任力護之身受重傷右目以被刺失明一切義舉慷慨樂爲又有王圖綺字文臺八品銜性孝友孝子有義方賊縛之去不屈賊目義而釋之又有時西山者直樸有勇力被賊擄去刺字於面越數日得知賊情奪器械橫殺而出斃賊數人聞者快

之

采訪冊

萬啟垚劉多祥王幹卞寬無爲人皆太學生居同里素以道義相切磋咸豐六年倡練鄉團先後殺賊十數人生擒五十餘人里賴以安

采訪冊

鍾南枝無爲人監生咸豐十一年有髮逆餘黨數百人欲攻州城路經石頭古渡南枝同儒童鍾鍊菴率族衆及里人與戰自辰至午多殺賊又有監生趙如蘭與民人李加彩於賊至時急移文廟聖賢木主出未被焚毀

采訪
冊

章邦福無爲人素性孝友重義輕財咸豐八年辦鄉團以戰功議敘八品十年水師營官吳某紮營蠓磯山因軍餉不足諭辦捐款福貸錢四百餘千及捐數不符乃售田房以償所貸賊跡得邦福縛之於船檣數晝夜以計得釋遂病卒

采訪
冊

汪孝先無爲人附貢生縣丞承祖志辦復凝洲官佃咸

續修廬州府志

卷五十四

義行傳三

十一

同年間兩次報効軍需柴草以千萬計

采訪
冊

胡紹紱無爲人監生嗜學好善家小康竭資獨修無桐界小嶺大路計程十五里均用石條撥砌行人賴之其

他修橋補路事尚多卒年七十有七

采訪
冊

王慕康童金蘭汪芬王佐臣無爲人皆諸生同治間大亂初平溺女之風方熾與巢邑僑寓諸生帥菁華沿村勸戒並集同志捐資凡貧家育女者幫錢若干溺者稟

官究治其風頓息

采訪
冊

陸爾綏巢縣人居於肥有還金事傳邑中

康熙
志

高榮後號克昌巢縣人獨捐二百金造鍾家巷石橋

縣
志

劉澍字景昭巢縣人世居夏閣劉村慷慨好施樂善不

倦居傍有橋通大河架木爲之春夏淋雨衝決行旅不便歲常二三見澍鬻產捐銀八十兩以爲倡並婉諭諸姪募勸諸鄰俱勉力捐助於河西造石橋三術至今人稱劉家橋又命姪於崇修小石橋於絕澗處以通往來

縣志

楊先培字彬裕巢縣人孝友克敦不墜先人遺訓桐鎮東路遇久雨泥滑難行培倡捐砌石人頌坦途飛鳳橋日久傾圮復捐募董修之以便行旅

縣志

劉徵字秀升巢縣人太學生幼學儒兼通百家諸書秉性仁慈樂善好施夏施茶冬施薑以解渴寒病施藥死施棺以濟貧乏甲午歲饑輸粟賑贍全活多人

縣志

續修廬州府志

卷五十四

義行傳三

十一

李起倫字序昌原籍繁昌自祖居羨寓居巢倫苦志讀書工詩字性復樂施南岸馬頭傾圮獨修利濟知縣韓贈有濟人誕登之額

縣志

劉金殿字子閣巢縣人天性孝友爲人慷慨赴義憐貧恤孤遇人有爭財者解囊以釋之

縣志

翟凌鵬巢縣人志切濟人於石次橋頭造茶菴庵前葺亭爲往來息肩地夏茶冬湯以濟行人置田種以飯僧皆獨力捐貲爲之

縣志

張如翼字美吾巢縣人習儒未遇乃放志山水以自樂居心渾厚常爲人排難解紛不惜傾囊以贈鄰里稱爲長者卒年八十有一

縣志

劉學周字宸南巢縣人事父惟謹待弟克敦友讓生平不苟色笑一鄉咸有正人之目

縣志

凌可綸字經甫巢縣人樂善好施捐貲造湖南高林橋至今行人稱便又倡修甘泉寺鄉里有貧乏者時爲周

濟咸稱長者

縣志

孫自長巢縣人幼貧苦蓄積數百金歷修巢湖廟及天池準提庵并捐田十數畝入公收租及集檢惜字紙費

採訪冊

任華

通志作善

榜號振興巢縣人監生道光辛卯邑有水災慷慨助捐賑濟知縣王椿林贈以惠周閭里額

縣志

劉維城號梅圃巢縣人監生敦篤孝友尚義輕財地方

續修廬州府志

卷五十四

義行傳三

十三

有善舉無不慷慨助成封通議大夫

縣志

黃道南號指車巢縣歲貢生閒靜少言善岐黃解囊購藥活人無算咸豐六年今大學士李鴻章治鄉兵重其

廉正任以總司鄉團保舉教諭

縣志

程漣號春溪巢縣人廩生慷慨好義里黨有稱貸者必稱情以與之咸豐四年粵賊踞巢刑部郎中李文安方設局團練於指南庵措費募勇漣傾囊以助既而賊艘入湖練局被焚憂勞成疾卒

縣志

洪佩金巢縣人太學生住西黃山讀書好義家貲僅田五百畝每值青黃不接卽按市售米窮民賴之嘉慶甲戌赤旱出貲糴麥巢湖水涸車運歸平糴活人無算知

縣牛映奎勸賑入鄉父老擁輿前曰我界周數十里俱
賴洪翁活命可無須籌賑矣映奎爲請議敘堅辭不受
以誼敦桑梓旌其門采訪冊

李鈺號旭初巢縣人監生敦孝友好施濟嘉慶十九年
歲大荒出穀二百石賑濟族鄰壽八十一長子隆恩貢
次子蓮六安學正孫士標廩生蘭臺庠生采訪冊

方以種通志作禮巢縣人監生嘉慶十九年捐大麥六百

餘石錢一千緡散給村鄰以濟旱荒道光三年巢湖水
漲宿松木筏被風冲散木商沈溺百人均援起無恙酬
以金帛不受贈積厚流光額采訪冊

徐文科徐掄元均巢縣人嘉慶十九年旱荒宗族貧乏

續修廬州府志

卷五十四

義行傳三

十四

捐錢五百緡以周之采訪冊

翟用先號博齋巢縣人遇有爭訟出爲排解於巢湖廟
畔建書室五間爲誦讀之所築埧蓄水俾田無旱至今

人咸頌之采訪冊

凌正球巢縣人監生與叔冠賢捐貲重修高林橋并督
族墾修高林山石路以利行旅子加均亦繼父志采訪冊

翟漸鴻號少鶴巢縣人廩生精書法善屬文著有課生
草詩稿孤甥洪濟川漸鴻飲食教誨之亦列郡庠食餼
兄漸達諸生性慷慨好爲豪俠事一鄉敬憚負債三百

金達卒鴻以歷年館穀償之采訪冊

翟以忠巢縣人監生疏財仗義鄉里有急難解囊以助

無吝色門前石橋乃其先人所建年久崩塌往來病涉
忠竭力重建復設渡於下石橋以濟行人且捐田儲利
修整船隻兼僱榜人以給工食俾久遠勿替

采訪
冊

翟榮桐字來巢巢縣人從九品親族中有困乏必親給
錢米知縣王椿林贈誼敦任卹匾額

采訪
冊

劉秉忠巢縣人從九品少讀書家貧貿易積白金數百
兩值凶歲分給昆弟理事謀生事母以孝聞而修橋梁
及水旱賑濟靡不倡捐以助年八十一卒

采訪
冊

梁梓材號樸齋巢縣人少應試不售教子弟務農讀書
井然有法鄉里少爭鬪皆梓之力年七十二卒

采訪
冊

鄭瑞庭巢縣人諸生惜字如金道光十六年倡首樂捐

暨同人各捐若干入白衣庵爲檢字紙費又有繆烺諸
生道光十八年捐貲若干並捐義墳地一區張鴻庥廩
生捐田十二畝均歸白衣庵爲掩埋白骨費

采訪
冊

鄒雲慶號素存巢縣人布經歷濡須寺塔邑人前釀金
建五級道光二十六年獨任增建兩級費千餘金以培

植文風自是獲雋者多

采訪
冊

葉觀濤號寄槎巢縣人諸生道光二十九年巢邑水災
捐錢八百餘緡賑濟災民有司爲之詳請議敘職銜三

名以彰善舉

采訪
冊

周光萬字杏圃巢縣人精岐黃好施與遇貧病輒贈藥
餌不取值寄居無爲州有三家圩埂隄傾圮獨捐百金

築成至今賴焉生平敬惜字紙僱倩檢拾雖溷穢中必
檢取卒年八十有一封奉政大夫

采訪
冊

許堯號春生巢縣人高士也讀書精擅丹青筆墨爲世
所珍廉隅自勵貧而好施遇急難輒出畫貲以濟人有

勸孝歌戒溺女歌行世

采訪
冊

趙廷謨號近湖巢縣人監生素好義董修尊經閣捐穀
八十石道光二十一年邑水災捐錢百千助賑有司獎
以義重經綸額巢湖書院除供給山長并膏火外無監
院貲廷謨又捐錢二百千爲薪水其子公瑞職監公瑛
諸生體父志以巢邑向無鄉試卷貲同治九年秋闈後
特捐租二十四石以充鄉試卷費

采訪
冊

湯兆熊字渭川巢縣人武生秉性嚴正慷慨好施邑有
義捐必倡成之其子溥蓮號子藁郡廩生有父風充書
院董事相繼培植士林道光辛丑戊申己酉間邑疊遇
水災捐錢三百緡助賑活人無算

采訪
冊

劉旺字晴峯巢縣人監生邑疊遇水災捐粟助賑咸豐
三年粵賊將竄巢縣知縣邵啟元與議守城倡捐銀二
百四十兩六年復城總辦團練局事又捐錢五百千尋
卒

采訪
冊

蔡大紀巢縣人監生完人夫婦不欲衆知邑中水災捐
貲助賑又輸租百餘石入書院子嘉賔理問銜捐防守
費五百金捐租爲鄉試卷資

縣志

賈大鵬號雲程巢縣人武生花翎二品封典性好善建板橋等舉計費千金又有張遇榮號雲樵厚重少文睦

姻任卹有君子風封武威將軍並戴花翎

縣志

陳良椿巢縣人祖籍休甯道光己酉大水北門外見子

橋圯捐錢千三百緡獨力重建

縣志

周有富字裕齋巢縣人咸豐四年散給鄉鄰米四百餘石時值製造礮船勦賊有富報効船料三隻鐵二萬五千觔巡撫福濟獎儘先把總并給其姪本初六品頂戴

縣志

繆瑤巢縣人諸生聚族起丁勦賊得六品頂戴賊焚其宗祠因公受累巡撫福濟獎以好義可風

采訪冊

續修廬州府志

卷五十四

義行傳三

十七

梅清和巢縣人駕舟爲業咸豐八年報効置造局黃際

昌請以已船改礮船巡撫福濟給以六品頂戴

采訪冊

梅在春巢縣人咸豐四年散粟五百石養丁起練以備

防堵

采訪冊

繆永孚字誠菴巢縣人監生好施濟鄉里貧乏必周恤之捐田二十六畝入白衣庵永爲巢湖天燈油火之貲

采訪冊

裴芳聲巢縣人守禦千總其姪錫晉監生咸豐年蕞鎮修造礮船同捐大布五百匹大樹二百株工匠費錢八十千以助餉又有唐大鯤八品軍功辦團練出力尤多

采訪冊

鮑崇德巢縣人性長厚每歲冬季夜行暗給寒衣與貧人又拾金還原主鄉人重之其子雲章舉孝廉

采訪冊

羅銘元巢縣人咸豐三年賊至命子占鼇出素所蓄積資財散給鄰人並檢未償券皆火之鄉里戴德年八十有六無疾而終

采訪冊

楊舒榮巢縣人附貢生輕財好善兵燹後修徐家渡兩岸以利行人往來并修嶽廟及他祠宇甚多

采訪冊

梅渡春巢縣人性慷慨咸豐五年捐米六百餘石教習團練親督士卒勦賊獲勝又有副貢生羅秉鏡號晴崖樂善好義咸豐三年春聞賊警躬領附郭七界鄉團命次子增生春澤督練防堵同治二年隨同克復縣城

采訪